



KOLEGJI ESLG

Në pajtim me statutin e BPrAL »Kolegji ESLG«, Bordi Drejtues i Kolegjit ESLG-së më 30.03.2013 nxjerr si në vijim:

RREGULLORE PËR REGJISTRIM DHE TRANSFER NË STUDIMET MASTER

1. Dispozita të përgjithshme

Neni 1

Kjo rregullore rregullon regjistrimin dhe transferin në vitin e parë dhe të dytë dhe studimet e rregullta dhe me korrespondencë në nivelin master.

Neni 2

Studenti ka të drejtë të regjistrohet tre herë gjatë studimeve master: 1) në vitin e parë (semestri i parë dhe i dytë), 2) vitin e dytë (semestri i tretë dhe i katërt) dhe si absolvent (12 muaj).

2. Kushtet për regjistrim në vitin e parë

Neni 3

Kushtet e përgjithshme

(1) Në vitin e parë të studimeve Juridik dhe Menaxhimi i Patundshmërive dhe Infrastrukturës (MA) që mbahet në gjuhën angleze regjistrohet studenti i cili përmbush kushtet si në vijim:

- Ka përfunduar me sukses studimet themelore në nivelin baçelor apo ekuivalent me nivelin baçelor
- Ka përfunduar me sukses provimet e studimeve baçelor me notë mesatare mbi 7.5
- Ka përfunduar testin institucional GRE me rezultat 450 e më shumë.
- Përvoja relevante në fushën e patundshmërive

(2) Në vitin e parë të studimeve në Juridik dhe Menaxhimi i Patundshmërive dhe Infrastrukturës (MA) që mbahet në gjuhën shqipe regjistrohet studenti i cili përmbush kushtet si në vijim:

- Ka përfunduar me sukses studimet themelore në nivelin baçelor apo ekuivalent me nivelin baçelor
- Ka përfunduar me sukses provimet e studimeve baçelor me notë mesatare mbi 7.5
- Përvoja relevante në fushën e patundshmërive

Neni 4

Në rast të numrit të kufizuar të regjistrimeve në Kolegjin ESLG, kriteret e përmendura mëlartë do të kenë peshën si në vijim gjatë vendimit të regjistrimit të studentit

(1) Për studentët në programin Juridik dhe Menaxhimi i Patundshmërive (MA) në gjuhën angleze:

- Diploma 25 %;
- Nota mesatare gjatë studimeve themelore 30 %;
- Rezultati i arritur në testin e gjuhës angleze GRE 15 %;
- Përvoja relevante 30 %;

(2) Për studentët në programin Juridik dhe Menaxhimi i Patundshmërive dhe Infrastrukturës (MA) që mbahet në gjuhën shqipe:

- Diploma 25 %;
- Nota mesatare gjatë studimeve themelore 50 %;
- Përvoja relevante 25 %;

(4) Komisioni për Studime është përgjegjës për vendimin për regjistrimin e studentëve.

Neni 5 (Aplikimi)

(1) Studenti i cili përmbush kushtet për regjistrim në vitin e parë të parashikuar me nenin 4 të kësaj rregullore duhet të dorëzojë dokumentet si në vijim:

1. formularin e nënshkruar për aplikim;
2. Origjinalin ose kopjen e vërtetuar të diplomës së studimeve baçelor;
3. Origjinalin ose kopjen e vërtetuar të certifikatës së notave nga studimet baçelor;
4. Në rast se studenti është transfer nga ndonjë universitet apo kolegji i akredituar në Kosovë apo jashtë vendit studentit gjithashtu duhet të dorëzojë certifikatën e notave;
5. Ekstraktin e lindjes;
6. CV mbi përvojën e tij/saj profesionale;

3. Kushtet për regjistrim në vitin më të lartë

Neni 6 (Kushtet e përgjithshme)

(1) Studenti regjistrohet në vitin e dytë të studimeve nëse mëparë ka përmbushur të gjitha obligimet ndaj Kolegjit ESLG dhe ka dhënë me sukses provimet e vitit të parë të cilat përbëjnë 40 kredi ECTS.

(2) Studenti regjistrohet në vitin më të lartë të studimeve brenda afatit të specifikuar për regjistrimin e vitit që është 30 shtator. Kjo dispozitë vlen edhe për studentët që përsërisin vitin.

Neni 7

Studenti mundet të regjistrohet me kusht në vitin e dytë të studimeve nëse i mungon një provim për të plotësuar kushtin për regjistrim:

- Nëse paraprakisht ka përfunduar provimet e vitit të parë;
- Nëse jep provimin përkatës më së largu deri në përfundimin e semestrit të parë të vitit të dytë.

Neni 8

(1) Kushti për regjistrim në vitin më të lartë akademik është gjithashtu i mundshëm edhe pa përmbushjen e kushteve të parashikuara me nenet e mësipërme nëse studenti ofron dëshmi të bazuar.

(2) Dëshmi e bazuar është materniteti apo sëmundja e cila ka zgjatur për më shumë se dy muaj gjatë periudhës së mbajtjes së provimeve apo nëse student i gjatë kohës së mbajtjes së provimeve ka marrë pjesë në aktivitete profesionale, kulturore dhe sportive për të cilat institucioni mendon se ngrisin imazhin e Kolegjit ESLG.

(3) Komisioni për Studime vendos nëse një student mund të regjistrohet në vitin më të lartë edhe pa plotësuar kushtet e mësipërme si në nenet paraprake.

Neni 9

Kalimi nga studimet e rregullta në studimet me korrespondencë

(1) Studenti i cili në vitin paraprak ka qenë duke studiuar me korrespondencë mundet të regjistrohet në vitin më të lartë në studime të rregullta nëse ka plotësuar kushtet për regjistrim në vitin më të lartë dhe nëse numri i regjistrimeve si student i rregullt nuk është i kufizuar.

(2) Përparësi do të kenë ata kandidat të cilët kanë arritur sukses me notë mesatare më të lartë gjatë vitit paraprak akademik.

(3) Studenti i cili në vitin paraprak ka qenë i regjistruar si student i rregullt mundet të regjistrohet në vitin më të lartë si student jo i rregullt nëse ka plotësuar kushtet për regjistrim në vitin më të lartë.

(4) Kërkesën për kalim nga studimet e rregullta në studime me korrespondencë dhe anasjelltas student i duhet t'a bëjë jo më larg se deri më 30 shtator të vitit përkatës.

4. Kushtet për përsëritjen e vitit

Neni 10

- (1) Studenti i cili nuk ka përmbushur të gjitha kushtet për regjistrim në vitin më të lartë mundet të përsërit vitin vetëm njëherë.
- (2) Përjashtim nga ky rregull bëjnë studentët të cilët ofrojnë arsye bazë siç është materniteti, sëmundja e cila ka zgjatur më shumë se dy muaj gjatë kohëzgjatjes së mbajtjes së provimeve apo ka marrë pjesë në aktivitete profesionale, sportive dhe kulturore të cilat Kolegji ESLG i konsideron se e ngrisin imazhin e ESLG-së për shkak të aktiviteteve ekstrakurrikulare të studentit.
- (3) Studentet të cilat lindin fëmijë kanë të drejtë që të shtyejnë përfundimin e studimeve për një vjet për secilin fëmijë të lindur.

5. Vazhdimi i studimeve pas ndërprerjes

Neni 11

Studenti i cili ndërpre studimet për më pak se dy vite ka të drejtë të vazhdojë studimet me të njëjtin planprogram siç ka qenë në fuqi në kohën e regjistrimit të tij/saj.

6 Kohëzgjatja e absolventit

Neni 12

- (1) Pas përfundimit të trisemestrit të fundit studenti ka kohë edhe 12 muaj që të përfundojë studimet. Nëse studenti nuk përfundon stazhin e absolventit brenda 12 muajve, ai/ajo duhet të paguajë edhe njëherë kreditë ECTS të mbetura sipas kontratës për studime (qoftë provimet e mbetura apo temën e diplomës).
- (2) Kohëzgjatja e absolventit prej 12 muaj mundet të shtyhet edhe për një vjet tjetër nëse studenti ofron arsye të qëndrueshme siç janë: materniteti, sëmundja apo pjesëmarrja në aktivitete profesionale, sportive dhe kulturore të cilat ESLG-ja i konsideron se e ngrisin imazhin e ESLG-së për shkak të aktiviteteve ekstrakurrikulare të studentit.

Kushtet e regjistrimit si student transfer nga institucionet tjera të arsimit të lartë të akredituara në Kosovë dhe jashtë vendit

Neni 13

- (1) Studenti mundet të transferohet në programin Juridik dhe Menaxhimi i Patundshmërive dhe Infrastrukturës (MA) të Kolegjit ESLG nga secili program i akredituar në Kosovë dhe jashtë vendit.
- (2) Studenti do të transferohet direkt në vitin e dytë të studimeve nëse në institucionin tjetër të akredituar të arsimit të lartë ka përfunduar vitin e parë dhe ka dhënë provimet që së paku

përbëjnë 40 ECTS kredi të cilat njihen nga Komisioni për Studime i ESLG-së si provime të bartura.

- (3) Studenti është i obliguar që të jap të gjitha provimet të cilat parashihen me planprogramin e akredituar Juridik dhe Menaxhimi i Patundshmërive dhe Infrastrukturës (MA) të Kolegjit ESLG dhe të cilat nuk kane qenë pjesë e planprogramit të programit studimor në institucionin tjetër të akredituar në Kosovë dhe jashtë vendit.
- (4) Studenti mundet të regjistrohet direkt në vitin e dytë të studimeve nëse ka përfunduar studimet sipas sistemit të vjetër dhe bart titullin jurist i diplomuar, ekonomist i diplomuar ose inxhinier i diplomuar;
- (5) Studentët të cilët kanë kryer studimet universitare dhe kanë diplomën jurist, ekonomist apo inxhinier që është ekuivalent me studimet bachelor, kanë të drejtë të regjistrohen në vitin e parë të studimeve.
- (6) Studentët të cilët pas ekuivalentimit të lëndëve të dhëna sipas sistemit të para Bolonjës në atë të Bolonjës del se kanë kryer më shumë se 180 ECTS kredi në një nga këto programe studimore a) shkencat administrative dhe të biznesit; b) juridikut; c) ekonomisë; dhe d) arkitekturës dhe ndërtimtarisë e) shkencat shoqërore, do të ju njihen ato kredi në formë të lëndëve zgjedhore dhe atë në maksimum prej 18 ECTS kredive. Komisioni për Studime është përgjegjës për njohjen e 18 ECTS kredive në formë të lëndëve zgjedhore.
- (7) Studentët të cilët janë bartës të gradës akademike master në një nga fushat si a) juridik; 2) ekonomik, 3) arkitekturë dhe ndërtimtari dhe 4) shkenca politike dhe shoqërore mund të regjistrohen direkt në vitin e dytë të studimeve dhe atyre ju njihen 60 ECTS kredi.

Neni 14

- (1) Studentët mundin të regjistrohen si student transfer në programin Juridik dhe Menaxhimi i Patundshmërive dhe Infrastrukturës MA vetëm nga ndonjë program studimor nga a) shkencat administrative dhe të biznesit; b) juridikut; c) ekonomisë; dhe d) arkitekturës dhe ndërtimtarisë e) shkencat shoqërore.
- (2) Vendimin për pranimin e provimeve e merr Komisioni për Studime pasi të ketë shqyrtuar planprogramin mësimor të programeve në fjalë të universiteteve, kolegjeve apo institucioneve të arsimit të lartë të akredituara në Kosovë apo jashtë vendit.

Në Prishtinë, më 07.07.2013

Visar Hoxha
Kryetar i Bordit Drejtues

